



ԼՂՀ ԿՐԹՈՒԹՅԱՆ, ԳԻՏՈՒԹՅԱՆ ԵՎ ՍՊՈՐՏԻ ՆԱԽԱՐԱՐ

Հ Ր Ա Ս Ա Ն

«23» Կենդանության 2015 թ.

N 280/Ա

ք. Ստեփանակերտ

2015-2016 ուստարում ԼՂՀ դպրոցականների առարկայական օլիմպիադայի անցկացման մասին

Հանրակրթական առարկաների նկատմամբ հատուկ կարողություններ ունեցող և առանձին հետաքրքրություն ցուցաբերած սովորողների վերհանման, ինչպես նաև գիտության հիմունքների ուսումնասիրման նկատմամբ սովորողների շրջանում հետաքրքրություն առաջացնելու նպատակով

հրամայում եմ՝

1. Լեռնային Ղարաբաղի Հանրապետությունում 2015-2016 ուստարում դպրոցականների առարկայական օլիմպիադան կազմակերպել ու անցկացնել 3 փուլով՝ ներքոբերյալ առարկաների գծով.

- հայոց լեզու, հայ գրականություն, ռուսաց լեզու, օտար լեզու /անգլերեն, գերմաներեն, ֆրանսերեն/, պատմություն, հայոց եկեղեցու պատմություն, աշխարհագրություն, քիմիա, կենսաբանություն, մաթեմատիկա, ֆիզիկա, ինֆորմատիկա և նախնական զինվորական պատրաստություն.

- դպրոցական՝ 1-ին փուլ - 2016թ. հունվարի 20-31-ը
- շրջանային /քաղաքային/՝ 2-րդ փուլ - 2016թ. փետրվարի 9-12-ը
- հանրապետական՝ 3-րդ փուլ - 2016թ. փետրվարի 20-ից մարտի 15-ը, Ստեփ. հ.8 ավագ դպրոցում:

Օլիմպիադայի շրջանային /քաղաքային/ փուլին միևնույն դպրոցականին մի քանի առարկայից մասնակցելու հնարավորություն տալու նպատակով 2-րդ փուլը անցկացնել հետևյալ ժամանակացույցով.

- հայ գրականություն, հայոց եկեղեցու պատմություն, ֆիզիկա, ինֆորմատիկա առարկաների օլիմպիադաներն անցկացնել փետրվարի 9-ին.
- հայոց լեզու, մաթեմատիկա, քիմիա առարկաների օլիմպիադաներն անցկացնել փետրվարի 10-ին:
- ռուսաց լեզու, պատմություն, կենսաբանություն առարկաների օլիմպիադաներն անցկացնել փետրվարի 11-ին:
- օտար լեզու, նախնական զինվորական պատրաստություն, աշխարհագրություն առարկաների օլիմպիադաներն անցկացնել փետրվարի 12-ին:

2. Օլիմպիադաների կազմակերպման ու անցկացման համար ստեղծել կազմկոմիտե՝ հետևյալ կազմով.

- Համբարձունյան Մ. - ԼՂՀ կրթության, գիտության և սպորտի /այսուհետ՝ նախարարություն/ փոխնախարար, կազմկոմիտեի նախագահ
- Մուսայելյան Ռ. - ԼՂՀ ԿԳՍ նախարարության ԿԳ վարչության պետ, կազմկոմիտեի նախագահի տեղակալ
- Արզումանյան Ս. - նախարարության կրթության պետական տեսչության պետ
- Բոզիյան Ռ. - ԿԳ վարչության հանրակրթության բաժնի վարիչ
- Մարգարյան Կ. - Ստեփանակերտի քաղաքապետարանի աշխատակազմի կրթության և սպորտի բաժնի վարիչ

- Բաղունց Մ. - նախարարության ֆինանսատնտեսական բաժնի վարիչ  
Թևոսյան Մ. - նախարարության տնտեսվար  
Գևորգյան Լ. - Ստեփանակերտի №.8 ավագ դպրոցի տնօրեն

3. Նախարարության կրթության և գիտության վարչությանը, կրթության պետական տեսչությանը՝

ա/ նախապատրաստել ԼՂՀ դպրոցականների հանրապետական օլիմպիադայի շրջանային /քաղաքային/ 2-րդ փուլի անցկացման առաջադրանքները՝ ժամկետը մինչև փետրվարի 1-ը.

բ/ Լրատվական միջոցներով, «Լուսարար» պաշտոնաթերթի էջերում լուսաբանել ԼՂՀ դպրոցականների առարկայական օլիմպիադաների նախապատրաստման ընթացքն ու արդյունքները.

գ/ «ԼՂՀ դպրոցականների 2015-2016 ուստարվա հանրապետական օլիմպիադայի արդյունքների մասին» հարցը ներկայացնել նախարարին կից խորհրդակցության քննարկմանը:

4. Ընդունել ի գիտություն, որ՝

ա/ օլիմպիադայի 1-ին փուլի առաջադրանքները կազմվում են ԼՂՀ շրջանների վարչակազմերի և Ստեփանակերտի քաղաքապետարանի աշխատակազմերի կրթության և սպորտի բաժինների /այսուհետ՝ կրթության բաժիններ/ առարկայական մեթոդխորհուրդների կողմից՝ հանրակրթական դպրոցների առարկայական մեթոդխորհուրդների առաջարկությունների հիման վրա.

բ/ օլիմպիադայի 2-րդ փուլի առաջադրանքները կազմվում են նախարարության մասնագետների կողմից.

գ/ օլիմպիադայի հանրապետական 3-րդ փուլն անց է կացվում ՀՀ կրթության և գիտության նախարարության կողմից կազմված մարզային փուլի առաջադրանքներով /ժամանակացույցը և ըստ առարկաների հանրապետական փուլի մասնակիցների սահմանված թվաքանակի տեղեկությունները կցվում են՝ հավելված 1 և 2/.

դ/ ԼՂՀ դպրոցականների առարկայական օլիմպիադայի հանրապետական 3-րդ փուլում հաղթող ձանաչված դպրոցականները և նրանց դասավանդող ուսուցիչները համապատասխանաբար կպարգևատրվեն նախարարության դիպլոմներով, գովասանագրերով, պատվոգրերով և դրամական պարգևներով.

ե/ օլիմպիադայի 3-րդ փուլի հաղթողները կմասնակցեն ՀՀ դպրոցականների առարկայական օլիմպիադայի եզրափակիչ փուլին:

5. Կրթության և սպորտի բաժինների վարիչներին՝

սահմանված ժամկետներում կազմակերպել ու անցկացնել օլիմպիադայի դպրոցական և շրջանային /քաղաքային/ փուլերը և մինչև 2016թ. փետրվարի 20-ը նախարարության ԿԳ վարչություն ներկայացնել շրջանային /քաղաքային/ փուլում հաղթող ձանաչված ու հանրապետական փուլին մասնակցելու իրավունք նվաճած դպրոցականների ցուցակներն ըստ առարկաների ու ըստ դասարանների, ինչպես նաև մանրամասն հաշվետվություն ըստ պահանջվող ձևի՝ հավելված 3,4 /կցվում են/:


6. Նախարարության ֆինանսատնտեսական բաժնի վարիչին՝

ԼՂՀ դպրոցականների առարկայական օլիմպիադայի հանրապետական փուլի կազմակերպման, ինչպես նաև օլիմպիական թիմերի ՀՀ տարբեր քաղաքներում կայանալիք ԼՂՀ դպրոցականների առարկայական օլիմպիադաներին մասնակցությունն ապահովելու համար պահանջվող ժամկետներում կազմել ծախսերի նախահաշիվներն ու ներկայացնել հաստատման:

7. Ընդհանուր բաժնին՝

սույն հրամանի բովանդակությունը տեղեկացնել նախարարության պատասխանատու աշխատողներին ու կրթության և սպորտի բաժինների վարիչներին:

8. Սույն հրամանի կատարման վերահսկողությունը հանձնարարել նախարարության ԿԳՍ վարչության պետ Ռ. Մուսայեյանին:



Ս.ԱՍՐՅԱՆ



Տ Ե Ղ Ե Կ Ո Ւ Թ Յ Ո Ւ Ն Ն Ե Ր

2015-2016 ուստարվա ԼՂ դպրոցականների առարկայական օլիմպիադայի շրջանային /քաղաքային/ փուլի մասնակիցների մասին /ըստ առարկաների և ըստ դասարանների/

h/h	Շրջանը	դասարանը	Առարկան															
			Հ. լեզու	Հ. գրակ.	Ռ. լեզու	Օտ. լեզու	Մաթեմ.	Ֆիզիկա	Քիմիա	Կենսա	Պատմ.	Աշխարհ	Ինֆորմ.	Հայոց եկեղեցու աստված	ՆԶՊ	Ընդամ.	Ընդհանուրը	
		8-րդ																
		9-րդ																
		10-րդ																
		11-րդ																
		12-րդ																

Հանրապետական կազմկոմիտե